



ԾԽԱԿԱՆ ԵԿԵՂԵՑԱԿԱՆ ԱՄՍԱԳԻՐ

Ուրախալի է արձանագրել, որ սփյուռքի թեմերում հրատարակվում են նաև, առաջնորդարանների հովանավորության ներքո, ծխական եկեղեցական խորհուրդների և կամ կրոնական-մշակութային ընկերությունների նախաձեռնությամբ մի շարք ծխական ամսագրեր և պարբերաթերթեր, որոնք հարազատորեն ներկայացնում են տվյալ թեմի, համայնքի եկեղեցական, կրոնական, մշակութային և ազգային կյանքը:

Այժմ «Էջմիածին» ամսագրի ընթերցողների ուշադրությանն են ներկայացվում նման ամսագրերի մի քանի հրատարակությունները, որոնք հոգևոր, կրոնական, ազգային, հայրենասիրական, դաստիարակչական կարևոր դեր են կատարում թեմերում:

Ա. ԼՈՅՍ. ԱՄՍԱԳԻՐ ԱՄՍՐԱԿԻՈՑ ՀԱՅՈՑ ԵԿԵՂԵՑԻՈՑ, ՄԻՏՆԻ:

Քսանհինգ տարի է, որ ամենայն կանոնավորությամբ, տարին 12 համար, 20 էջ ծավալով, հայերեն և անգլերեն լեզուներով և հետաքրքիր բովանդակությամբ հրատարակվում է Լոյս ամսագիրը, որպես պաշտոնական օրգանը Ավստրալիայի հայոց թեմի: Ամսագիրը հրատարակվում է վերին հսկողության ներքո թեմի առաջնորդ Ս. Գարեգին արքեպ. Գազանճյանի:

Ամսագրի էջերը զարդարել են միշտ Ս. Ս. Վազգեն Ա Հայոց Հայրապետի սրբատառ կոնդակները, քարոզներն ու ելույթները: Լոյս-ը լայնորեն իր ընթերցողներին տեղյակ է պահել նաև Մայր Աթոռի և ըսփյուռքի Հայ Եկեղեցու կյանքում տեղի ունեցած կարևոր կրոնական, եկեղեցական, պատմական իրադարձությունների հետ և ի մասնավորի հանգամանորեն ներկայացրել է Ավստրալիայի հայոց եկեղեցական,

DIOCESE OF THE ARMENIAN CHURCH IN AUSTRALIA AND NEW ZEALAND
ԱՄՍԱԳԻՐ ԱՄՍՐԱԿԻՈՑ ՀԱՅՈՑ
 ԵԿԵՂԵՑԻՈՑ, ՄԻՏՆԻ

ԷՄՅԱԼ **LOOYCE**
 MONTHLY BULLETIN OF
 THE ARMENIAN CHURCH
 IN SYDNEY

Registered at the G.P.O., Sydney, for transmission by post as a periodical, Category "A".

ALL CORRESPONDENCE TO
 BOX 884, CHATWOOD
 N.S.W. - 2087

Telephone:
 CHURCH 41 8056



PRICE: -
 20c.

Vol. 8
 25th Year
 August 1980

Սուրբ Էջմիածին
ETCHMIADZIN, The Holy See of the Armenian Church

կրթական, մշակութային, հայրենասիրական, մարզական կյանքը, խանդավառ լուրեր է հաղորդել միաժամանակ վերածընված Հայոց աշխարհի տարբեր բնագավառներում ձեռք բերած հաջողությունների և նվաճումների մասին և իր էջերը տրամադրել հայրենական մոր գրականության հրատարակության:

Այժմ ձեռքի տակ ունենք Լոյս-ի 1980 թվականի օգոստոսի համարը, որտեղ (էջ 1—5) հրատարակվել է Հայոց Հայրապետի գրած «Հայ ժողովուրդը և իր Մայր Եկեղե-

ցին» բովանդակվից, կարևոր խմբագրականը («Էջմիածին» ամսագիր, 1980 թ. ապրիլի համար, էջ 6—9), ինչպես նաև այդ խմբագրականի անգլերեն ընտիր թարգմանությունը (էջ 11—16):

Լոյս-ը ունի նաև թեմի առաջնորդ սրբազանի և առաջնորդական փոխանորդ վարդապետի մատուցած պատարագների, խոսած քարոզությունների և եկեղեցական, էկոմենիկ այցելություններին նվիրված մասնավոր բաժին, ինչպես նաև ընթացիկ ամեն ամսվա տոների և կրոնական հանդիսությունների «Տօնացույց»-ը, ի դյուրություն հավատացյալների:

Լոյս-ը վերջին տարիներում այնքան ձեռնհասորեն խմբագրում է Ս. Հակոբյանց վանքի միաբան և Ավստրալիայի հայոց թեմակալ առաջնորդական փոխանորդ Տ. Աղան ծայրագույն վրդ. Բալիոզյանը:

Ավստրալիայի հայոց թեմի երկրորդ կարևոր քաղաքում Մելբուռնում, սկսվել է վերջերս հրատարակությունը Յոյս ծխական ամսագրի, որի միայն մեկ համարը ունենք ձեռքի տակ: Երբ Յոյս-ի գոնե մեկ տարվա ամբողջական հավաքածուն ունենանք մեր տրամադրության ներքո, ապա կխոսենք ծխական այդ թերթի բովանդակության մասին:

Բ. ԳԵՂԱՐՂ. ԾԽԱԿԱՆ ՊԱՐԲԵՐԱԹԵՐԹ, ԿՐՈՆԱԿԱՆ, ԱԶԳԱՅԻՆ, ՍՈՒՐԲ ԱՍՏՈՒԱԾԱԾԻՆ ԵԿԵՂԵՑԻ, ՆԻՍԻ:

Գեղարդ-ը կրոնական, ազգային եռամսյա պարբերական է, որը հրատարակվում է ութ տարուց ի վեր, Մայր Աթոռի միաբան, Նիցցայի հայոց Ս. Աստվածածին եկեղեցու հոգևոր հովիվ Տ. Տարոն ծայրագույն վրդ. Ծերեճյանի ձեռնհաս խմբագրությամբ:

Գեղարդ-ը ունի չորս հոգուց բաղկացած խմբագրական մարմին:

Գեղարդ-ը հրատարակվում է Նիցցայի և շրջակայքի հայության մշակութային ընկերակցության կողմից: Նիցցայում և նրա շրջակայքում ապրում է շուրջ հինգ հազար հայություն:

1980 թվականին հրատարակված եռամսյա 3-րդ համարի (էջ 1—24) խմբագրականում նշվում է, որ **Գեղարդ-ը** «կաշխատի օգտակար դառնալ Նիս Գոթ դ'Ալյուրի հայ համայնքին, կրոնական ընկերակցությանն ազգականներ վարչությունն կրթականավորել և կմատակարարել թերթիս հրատարակությունը, միշտ ձգտելով տալ Անոր, իր պատմական առաքելության սահմաններում մեջ, ավելի փայլ և շքեղություն... և առավել... որակ»:

Խմբագրականում (էջ 1—2) նշվում է նաև, որ **Գեղարդ-ը** «մեր գաղութի հաղորդակցության կապն ու կենսատյժն է դարձած, նպատակ ունենալով «հասնիլ ամեն մեկ հային—հինգ հազարին—տարածուն գաղութիս մեջ՝ դառնալով մնայուն և ազդու կապ...», «ծանոթանալ և ծանոթացնել մեր համայնքի սահմաններում մեջ ապրող և ստեղծագործող հայ ազգի տաղանդավոր զավակներու մշակութային արժեքներուն...»:



Գեղարդ-ն է խրատու միակ միջոցը՝ մեր համայնքային ծավալվող գործունեության և աշխատանքներուն: Խմբագրականը հաստատում է, որ **Գեղարդ-ը** «դարձած է նաև շարժուն դպրոց՝ կրոնական և ազգային, պատմական, գրական ու մշակութային արժեքներուն»:

Այս առաջադրանքների լույսի տակ, **Գեղարդ-ի** էջերը զարդարված են կրոնա-քաղաքական, եկեղեցագիտական, ճանապարհորդագրական, գրական-քանաստեղծական բաժիններով:

Գեղարդ-ը հրատարակվում է հայերեն և ֆրանսերեն բաժիններով: Ընտիր թուղթ և մաքուր տպագրություն: